


荆溪外紀

卷之六至  
卷之七

石



漢書門			
九	〇	九	五
一	〇	九	五
八	三	四	號
冊	架	函	類

內閣文庫			
三	九	九	漢
二	〇	〇	書
函	八	九	
八	八	五	
架	冊	號	類

內閣文庫			
番號	漢	9095	
冊數	8	( 2 )	
函號	292	30	



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM. Kodak



新溪外紀卷之六

淺草文庫



七言絕句

送李校書赴寒食歸義興山居 白居易 唐人

人見騰騰詩酒客不憂生計似君稀到舍將何作寒食滿

解惟載樹陰歸

題張公洞

李嘉祐

空山杳杳鸞鳳飛神仙門戶開翠微主人白髮雪霞衣松  
間留我談玄機

宇邨書屋

山溪外紀卷之六

甌山送別

皇甫冉

棲棲遊子若飄蓬  
明日清尊祇暫同  
南望千山如黛色  
愁君客路在其中

同李萬晚望南嶽寺懷普門上人

釋子身心無垢紛  
獨將衣鉢出人群  
相思晚望松林寺  
惟有鍾聲出白雲

贈僧二首

顧況

家住義興東舍溪  
溪邊莎草兩無泥  
上人一向心入定  
春鳥年年空自啼

出頭皆是新年少  
何處能容老病翁  
更把浮雲喻生理  
世

聞無事不虛空

遊洞靈觀

陳羽

初訪西城李少君  
獨行深入洞天雲  
風吹清桂寒花落  
香繞仙壇處處聞

夜泊荆溪

小雪已晴蘆葉暗  
長波乍急鶴聲嘶  
孤舟一夜宿流水  
眼看山頭月落溪

春日南山行

處處看山不可行  
野花相向笑無成  
長嫵為客過州縣  
漸被時人識姓名

南山別僧

惆悵人間多別離  
梅花滿眼獨行時  
無家度日多為客  
欲共山僧何處期

題天申宮二首

宋維

中峯嘉樹綠陰陰  
洞裡靈蹤已徧尋  
欲下山門又回首  
數聲清磬白雲深

雲嵐滿袖倚巖扉  
龍窟寒生夜睡遲  
一曲朱絃誰與聽  
月斜風撼碧桃枝

茶山下題草市

杜牧

倚溪侵嶺多高樹  
誇酒書旗有小樓  
驚起鴛鴦豈無恨

雙飛去却回頭

乞新茶

姚合

嫩綠微黃碧澗春  
採時聞道斷葷辛  
不將錢買將詩乞  
借問山翁有幾人

紫藤

許渾

綠蔓穠陰紫袖低  
客來留坐小堂西  
醉中掩瑟無人會  
家近江南菴畫溪

洞靈觀流泉

李邕

石上苔蘚水上煙  
潺湲聲在觀門前  
千巖萬壑分流去  
更引飛花入洞天

入茶山

舊舊紅裙好女兒  
相偎相倚看人時  
使君馬上應含笑  
橫把金鞭戲詠詩

題邵博士溪亭

野茶無限春風葉  
溪上千重返照波  
只去長橋三十里  
誰人一解枉帆過

苦竹逕

陸希聲

山前無數碧琅玕  
一逕清森五月寒  
世上何人憐苦節  
應須細問子猷看

梅花塢

凍葉凝香雪艷新  
小山深塢伴幽人  
知君有意凌寒色  
羞共千花一樣春

石兜臺

大河波浪激潼關  
青兕胡為伏此山  
遙想楚王雲夢澤  
蜺旌羽蓋定空還

講易臺

年逾知命志尤堅  
獨向青山更絕編  
天下有山山有水  
養蒙肥遯正翛然

觀魚

惠施徒自學多方  
謾說觀魚理未長  
不得莊生濠上旨  
江

湖何以見相忘

綠雲亭

六月清涼綠樹陰  
小亭高卧滌煩襟  
羲皇向上何人到  
永日時時弄素琴

清輝堂

野人心地本無機  
為愛茅堂倚翠微  
盡日尊前誰是客  
秋山含水有清輝

觀妙菴

妙理難觀旨甚深  
欲知無欲是無心  
茅菴不異人間世  
河上真人自可尋

西陽亭

隔林殘日照孤亭  
玄晏先生酒未醒  
入夜莫愁迷下路  
昔人猶似逐流螢

弄雲亭

自知無業致吾君  
只向空山弄白雲  
已共此山私斷當  
不酒轉輒重移文

伏龜堂

盤崖感縮似靈龜  
鬼谷先生隱歷時  
不獨卷懷經世志  
白雲流水是心期

桃花谷

君陽山下足春風滿谷仙桃照水紅何必武陵源上去澗  
邊好過落花中

含桃園

小圃初晴風露光含桃花發滿山香看花對酒心無事但  
覺春來白日長

茗坡

二月山家穀雨天半坡芳茗露華鮮春醒酒病無消渴惜  
取新芽旋摘煎

松嶺

嶺上青松手自我已能蒼翠映莓苔歲寒本是君家事好

送清風月下來

桃蹊

芳草霏霏遍地齊桃花脉脉自成蹊也知百舌多言語任  
向春風盡意啼

李徑

一徑穠芳萬葉攢風吹雨打未摧殘憐君盡向高枝發應  
為行人要整冠

鴻盤

落落飛鴻漸始盤青雲起處剩須看如今天路多繒繳縱  
使衝蘆去也難

偃月嶺

山嶺依稀偃月形數層竒石疊空青幾迴雪夜寒光積直  
似金光照戶庭

題陶詳隱居

方干

芸香署裡從容步陽羨山中笑傲情竿底細鱗輸釣伴花  
邊白犬吠流鶯

秋吟

高蟾

陽羨溪聲冷駭人洞庭山色晚凝神天將金玉為風露曾  
為高秋幾度貧

陪侍叔相公游善權

李戡

山中龍氣寒侵骨石上僧談露入心十里亂山留俗客白  
塵無計到禪林

五湖

汪遵

已立平吳霸越功片帆高颺五湖風不知戰國官榮者誰  
似陶朱得始終

前題

胡曾

東上高山望五湖雪濤煙浪起天隅不知范蠡乘舟後更  
有功名繼踵無

伏牛山

薛能

虎蹲峯狀屈名牛落日連村好望秋不為時艱耕不得一



犁風雨便歸休

荆溪夜泊

李九齡

點點漁燈照浪清  
水煙疎碧月籠明  
小灘驚起鴛鴦處  
一隻採蓮船過聲

題善權洞二首

陳襄 宋人

陰陽融結此山川  
便有鹽堆與石田  
風俗每來占水旱  
却疑乾洞有神仙  
水洞深無百尺泉  
白龍盤蟄已多年  
誰知此物能雲雨  
常濟山南萬頃田

張渚道中

班春無術動汗萊  
五十年間此一回  
黃髮路傍應恠問  
使君何事入山來

過罨畫溪

五雲深處問新亭  
月裡乘舟夜半行  
不見藤花相掩映  
鄉人遙指畫溪名

携家遊東園

紅塔寺前千頃稻  
青山門外百家村  
年豐米賤無公事  
不惜時來倒一尊

題郡圖

平湖千里接荆溪  
萬頃良田不可堤  
我欲決渠疏積水于

塘江口地形低

雙楠軒慕容輝所居

蘇軾

南軒前頭兩佳木先生撫翫常不足尤愛薰風五月初白  
銀花開光照屋

歸宜興留題竹西寺三首

十年歸夢寄西風此去真為田舍翁刺却蜀岡新井水要  
携香味過江東

道人勸飲雞蘇水童子新煎鴛粟湯暫借藤牀與瓦枕莫  
教辜負竹風涼

此生已覺都無事今歲仍逢大有年山寺歸來聞好語野

花啼鳥亦欣然

題劉氏田舍

蔣之奇

六朝冠蓋俱塵土到氏今無苗裔存當時任昉過田舍野  
老猶記查林村

瀟湖養鵝墩

凌風泛浪白於雲野放湖中曉至昏一舉招旗畢來集至  
今人號養鵝墩

贈宜興王克巖二首

王安石

荒村日午未開門雨後餘花滿地存世上但能旌隱德無  
人知道是王孫

童子穿雲晚未歸誰收松下着殘棋先生醉卧落花裏春  
去人間總不知

寄闕下諸父兄兼示平甫兄弟

久聞陽羨溪山好頗與淵明性分宜但願一門皆貴任時  
將車馬過茅茨

龜潭三首

孫覲

埋沒榛蕪不記年穿雲絡石自濺濺柳州莫作愚溪對乞  
與佳名到處傳

蒔竹疏泉占一丘倚筇盡日看游鯈倚嶇好事無人共獨  
飲泉傍自獻酬

山空水淨竹娟娟玉礫金沙自爛然宿鳥驚窺潭底月  
魚翻動水中天

游金沙寺有陸希聲侍郎讀書臺在願山上二絕

一龕明滅佛前燈破械猶殘一兩僧說似鴻盤讀書處試  
尋幽伴拄烏藤

綠筍遺苞半出籬清溪一曲翠相迷古苔稱意壞牆滿好  
鳥盡情深樹啼

再至龜潭

歲歲來尋罨畫春看山弄水意常新不知流水今何處只  
有青山是故人

橫山堂

波間指點見青紅  
雪脊嶒稜倚半空  
幻出生綃三萬幅  
遊人渾在畫圖中

蒼雲十里蔭平寬  
露葉風枝透舍寒  
莫遣先生賦歸去  
且令小吏報平安

題郡齋坐屏

楊萬里

荆溪四面四無山  
不是荒林即野田  
忽有石崖天半出  
飛泉落處悄人煙

二月望日勸農既歸散策郡圃

荆溪老守勸農歸  
吏散還從郡圃嬉  
拾得落英纔一掬  
春風苦向手中吹

風苦向手中吹

過葛墟讀蔣列大宗碑

蔣堂

天寶年中立此碑  
軒裳鱗次美當時  
自從寂絕牛頭夢  
力振家聲合在茲

出亭山嶺白龍穴

蔡肇

南山藜藜天作鼓  
號召諸龍盡行雨  
惟有禿角最先到  
潑墨雲中雪鱗舞

張公洞

蘇庠

銅官之南山復山  
捫蘿絕壁蘚苔斑  
只今何處可容足  
乞我石房雲一間

舟泊山溪

朱熹

鬱鬱層巒夾岸青春溪流水去無聲煙波一棹知何處  
鴉兩山相對鳴

菴盡溪

劉燾

竹林深處杜鵑啼兩岸青青草色齊欲識人間真菴盡  
朱藤倒影入清溪

題通真觀二栢

虞暮

雙樹婆娑三百年江南秀色上參天不知昔日誰手種  
應與道人開福緣

題廣福寺

趙之儀

寺背方巖面碧溪軒窓常見野雲飛縣城來此無多路  
兩槩何妨帶月歸

寄題邵雲隱二首

陸游

興盡當年句曲秋却歸菴盡弄扁舟有時信脚來沙際  
拾得殘雲補破裘

尚嫌勾漏養丹砂况種劉郎去後花菴盡溪頭雲萬疊  
不知何處是君家

題通真觀

李堅

璇璿非復舊官壇獨向徐碑識二難井底丹靈勿輕汲  
昔年曾壽兩蒼官

題冲寂觀

玉兔朝天去不回空餘露井薦晨杯屋鈴不語湖如掌無  
復凌空逸士來

離群村

好風吹句落煙村便作棠陰記使君渠有平生絕塵想群  
居那得似離群

余皮

小試屠龍技已成遺踪千載龍章英靈舳艫不駭風波惡煙  
雨時聞草木腥

題廣福寺二絕

劉一止

涓涓碧澗通小池小雨廉纖未作泥深炷爐香向着火何  
須騎馬聽朝雞

山中松韭厭寒俎江甲防風手自鋤一榻北窓聽雨睡全  
勝白飯與青芻

題南嶽寺

郭三益

古木陰森梵帝家寒泉一酌試新茶官符星火催春焙却  
使山僧怨白蛇

歲後書懷

元簿

他鄉故鄉老若此新歲舊歲窮依然烹茶但有二升水沽  
酒初無三百錢

長橋下白獺

無名氏

淵潛不作捕魚忙  
攬報人間赤白囊  
世道清平渠屏跡  
吳宮醫頰授神方

題湖狀桂巖山石上

王氏女

翫水登山無足時  
諸仙頻下聽琴詩  
此心不戀人間事  
惟見庭前雙鶴飛

東坡田

蘇捷  
元人

老去紅灰酒瓮前  
向來青草瘴江邊  
卜居自為溪山好  
不  
是區區為買田

題橋頌

柯九思

楚國大夫曾頌橘  
眉山蘇子欲求田  
荷衣千古秋風急  
底用臨文更惘然

題杜牧之水榭四首

倪瓚

我到荆溪已十日  
欲尋水榭問樊川  
重居寺裡閉門坐  
柰此春風日日顛

水榭平居我所思  
看山不復倚闌時  
寫將黃葉溪頭路  
政比風流外史時

杜榭風煙幾夕暉  
沙頭鷗鳥自忘機  
扁舟坐載銅官色  
多是坡仙訪舊詩

山接蘇田嵐翠淨  
溪連杜榭水雲開  
年來慣作荆南夢  
今

日披圖又一迴

荆溪

南望銅官曉色青三株松下一茅亭何當濯足臨前澗坐石間看相鶴經

贈友人

單君賢達荆溪住不到荆溪已十秋古木幽篁苔石路每經行處思悠悠

宿荆溪太初上人房二首

初公樓上雨蕭蕭楊柳垂煙隔岸搖何處舟人棹歌發山長水遠望蘭橈

周將軍祠隔水近岳鄂王廟只東隣百年故事誰記憶風雨清明愁殺人

宿天申宮二首

張雨

借渠靈壇一枝竹穿雲度險不須扶為尋石榻羅衣字執火照徧青珊瑚

藥苗松菌紅斑斑點綴風煙俎豆間藍輿三日半醒醉春雲只戀銅官山

上董山讀孫氏古碑

周砥國朝

亦有文章効封禪柰無功德濟刑名長江縱有殺函險終使秦人念子嬰



經杜樊川水榭故基

落花風裡酒旗搖  
水榭無人春寂寥  
何許長亭七十五  
野鷺煙樹綠迢迢

春日西澗獨立

澗房松竹靜煙霏  
逕裡蒼苔行迹稀  
相與尋君遂初賦  
江花欲落換春衣

尋蘇長公墓

野花荆棘路淒迷  
山北山南謝豹啼  
千載先生丘墓在  
神遊應是浙江西

春夜懷重居士

春日溪南野寺幽  
花時曾約碧山遊  
知君能念飄零客  
還倚西樓望不休

泝練湖

銅官山水如銀菰  
蔣青帶綠蘆閑憶  
任公釣臺近停  
橈借問捕魚人

至銅官最高處

丹崖翠壁半空浮  
秋盡銅官思一遊  
何限吳天白雲裏  
心隨飛鴈到長洲

周將軍祠

誰勸臨行以母辭  
當年苦戰後人悲  
祇應陽羨溪頭月  
曾

見將軍射虎時

上董山讀孫氏古碑

馬治

青蓋蕭條向洛陽  
歷陽山色媿封王  
何如圍石鼓  
丘裏又有遺文載百祥

經杜樊川水榭故基

風煙淡淡水冥冥  
杜榭橋西傷我情  
閒倚溪樓望山色  
鷓鴣飛處晚鍾聲

尋蘇長公墓

醉裡光陰三百年  
青山滿目一凄然  
舊時玉局今何在  
謾想荒雲野水邊

泝練湖

荷花欲白水雲涼  
天濶晴湖明鏡光  
日暮蘭舟看不及  
帶將山色下橫塘

至銅官最高處

來遊石磴青天上  
斜日晴雲高下飛  
笑說東湖一杯水  
行人何事不能歸

周將軍祠

秋雨莓苔生古碑  
將軍祠宇在荆溪  
向來策馬梁山去  
最憶淒涼五字詩

春夜懷重居字

寺中虛閣每曾登忽欲看花往未能夜色蕭條門半掩獨  
依寒燭憶高僧

畫溪山水圖

數峯濃綠藹沉沉洞口人家淺復深若比桃花源裏見不  
應樓閣耀山林

周孝侯祠迎送神曲

荆溪之水深復深銅官山高雲日陰壁上千年斬蛟劍神  
光欲下時龍吟  
鄉人望拜抱神光綠管啾啾風滿堂君看一點英靈氣化  
得豐年時雨暢

靈脩欲歸巫未醒瓊筵香暗燭花明浮雲獨行山雨歇空  
裏蕭蕭聞馬鳴

寫簫咽咽鼓逢逢溪上吳歛翻楚腔女郎嬌態眼如醉青  
天指點白雲幢

秋思

孤城吹角暮沾巾初月蒼茫東海濱丘垤竟爲成蟻聚風  
波不見斬蛟人

題荆溪圖

鄭元祐

荆溪溪上首重迴豈意人間化劫灰只有斬蛟橋下水可  
曾寫入畫圖來

前題

張監

斬蛟橋北王樞府高樹連雲第一家欲向新圖問何處客  
窓風雨對梨花

前題

虞堪

好山都在太湖西滿路風煙荆棘迷華屋燕飛今在否市  
橋官柳不勝題

前題

陳大本

王家宅子荆溪上回首風煙一惘然怕說當年行樂事卧  
遊圖裡見山川

前題

王蒙

太湖西畔樹離離故國溪山入夢思遼鶴未歸塵世換歲  
時誰祭斬蛟祠

前題

張經

邵家樓子百花明素令祠堂一水平俯仰經行春夢破披  
圖能不重關情

前題

王天覺

環慶移家三百年書林喜得子孫傳唯餘圖畫仍依舊一  
壑風煙思惘然

前題

陳植

荆南山水照清輝客裡時時夢見之風塵瀕洞歸未得每

展新圖慰我思

前題

張田

人家綠樹遶孤城  
溪上風波落日明  
三害廟存人已去  
只今豺虎却縱橫

前題

荆南樵人

殺虎山前雲尚黑  
斬蛟橋下水猶腥  
十年湖海為羈旅  
夜夜相思入枕屏

重讀荆南集有感

高啓

生別猶疑得再逢  
楚天雲樹隔重重  
愁來讀盡荆南藁  
風雨空齋掩暮鍾

題荆南集後

徐賁

故友空悲生死異  
名州曾說亂離頻  
因君重讀荆南集  
已憶溪山又憶人

春林雨意

陳森

前山後山雲氣濃  
欲雨不雨天無風  
絕似去年兵革裡  
此時船過瀟湖東

題義興蹇氏蘆鴈畫

塞北春歸翼積砂  
江南秋到宿蘆花  
月明曾向樓頭迴  
影落荆南節義家

過太湖吳歌

吳雲

南風漸低湖水平行人搖曳權歌聲亂盡娥眉明鏡裡天  
青七十二峯橫

溪上別

高棟

出門紅葉滿清溪君向東湖我向西今夜青山明月在相  
思兩地聽猿啼

梨花曉鴨圖

顧觀

昔年家住太湖西常過吳興菴畫溪水閣筠簾春似海梨  
花影裡曉鶯驚

周孝侯祠

蹇曦

父老年豐不解憂為言三害未曾休將軍除害全忠義廟

食荆溪百萬秋

國山碑

謝應芳

離墨山前芳草多馬蹄曾此幾經過固碑文字無人識風  
雨銷殘近若何

龍潭夜月

陸景

千尺龍潭湛夜寒月輪飛出水晶盤我來醉拂長竿釣不  
管老龍深處蟠

蟹墓秋風

崇岡繚繞入雲平千古人傳蟹墓名颯颯西風響疎樹聽  
來猶訝是橫行

蓮溪晚歌

一溪流水小橋東  
荷葉荷花綠映紅  
蕩槳遊人夜歸去  
採蓮歌斷月明中

會仙巖

王超

石削芙蓉倚半空  
空林黃葉路重重  
會仙巖畔尋詩處  
兩屐秋雲一短筇

寄山中友人

層盡溪頭水拍堤  
繞堤高樹倚雲齊  
君家正在樹深處  
滿地綠陰山鳥啼

湧金亭有感

沈周

湧金亭子我曾遊  
瓦老雲寒水亂流  
琢重古松三百樹  
有人奪出斧斤愁

米堆

在善權乾利內與鹽堆皆取其石之形似見唐李丞相奏狀

粒粒誰從古洞藏  
洞中合認禹餘糧  
饑民只在青山外  
不得仙家煮石方

鹽堆

嵯霜狼藉白皚皚  
苦施山僧漫作堆  
嗜淡齋厨絕滋味  
不知丞相用調梅

唐殿

創於唐大中十年柱礎刻字猶存

一殿千年屬唐構  
義傳山衲至今存  
燎毛富貴看華屋  
我

爲人家嘅子孫

圓通閣

在唐殿前祀大士  
東編祀三李丞相

大士莊嚴傑閣中無方廣化表圓通老僧香火還存義併  
祀三生李相公

深居

字刺在圓通閣  
下宋張即之書

張公南渡誇名筆勁刺猶存玉質完作屋誰能仍舊號蓋  
茹深護翠雲寒

題畫寄沈都憲時暘

莊景

移家自結休文好陽羨青山更不猜七十二峯真可卧夢  
中夜夜太湖來

酬丁刑部約遊善權

蔣時瞻

碧鮮崑畔堪携酒好事山僧亦愛詩秣馬青筠奴白飯清  
風先與故人期

寄荆溪諸友

張弼

茶芽香逼竹菰紅陽羨溪山夢寐中寄語遊人休浪占洞  
名原是屬張公

石蘭渚

王徽

風暖煙消野岸邊石蘭花發滿晴川花間流水潺潺去飄  
得殘春上釣船

陸相山房



丞相山房何處尋  
五雲溪上翠陰森  
絕憐當日題詩處  
花落龜臺碧草深

東坡別墅

當年學士最風流  
卜築林塘事事幽  
一片遺墟殘照裡  
湖光山色不勝秋

天申宮

洞口煙霞隱薜蘿  
仙家宮觀鬱嵯峨  
月明如水瓊樓夜  
時有瑤笙鶴背過

別沈時耀

故園歸去路非賒  
三日樓船便到家  
陽羨山中春信早  
呼

童先試雨前茶

孫氏封禪碑

沈碑

文章峭崛字尤奇  
傳是吳王封禪碑  
莫數莓苔蝕螭首  
故宮禾黍已離離

九斗壇

白鶴仙人太乙精  
夜涼曾此禮寒星  
丹成飛入一天去  
空見壇前草樹青

玉帶橋

麟閣功名拂袖還  
解將玉帶換青山  
至今山下松風響  
猶訝當時振珮環

溪上草堂

任昉臺前還釣水坡翁祠下亦求田如今我獨懷前輩他日題詩在後賢

青山近接張公洞流水潛通玉女潭欲共仙人乞靈藥萬峯重疊鎖煙嵐

侍郎橋壞

山中亭子久已廢溪上石橋今亦傾惟有山房遺址在邦人猶說相公名

遊張公洞

湖汛鎮前春繫船張公洞裡去尋仙青山綠水真如畫紫

筍紅菇不論錢

出洞歸來日已低水村山市晚煙迷行人問我來時路笑指孤雲鷲嶺西

何竹鶴荆溪書屋圖為王廷輔題

素州昔放畫溪船醉為王維寫輞川不是君家遺澤遠草堂那得舊青氈

會仙巖

邵珪

巖前傳昔會群仙羽駕霓旌下九天千載異香消不盡山中草樹溢雲煙

金沙寺

酒酣欲訪金沙寺落日荒荒漫欲休聞說希聲讀書處  
榛荆滿地白雲秋

過宜興

王鏊

風靜澄湖水不波吳童蕩槳唱吳歌荆溪報道前頭是起  
看推窓柰樂何

送策上人南還

都穆

善權三洞昔曾遊轉眼人間十四秋今日送君還自笑白  
頭猶爲一官留

西溪書屋爲張邦毅題

邵寶

西溪又是太湖西東望龍峯路不迷我有草堂泉石畔十

年雲月夢栖栖

送錢士宏

杭淮

張公洞深白石裂吳溪水燠青蘋香夢中風土亦不惡他  
日與君俱故鄉

東湖煙霞水溟溟虞山削出芙蓉青落日沙頭有鷗鳥春  
來秋去幾迴醒

夜泛菴畫溪

顧璘

銅官山月二更生菴畫溪流十里平一夜棹歌歌不盡倚  
篷斜坐到天明

示善權僧

王教

詩到不含蔬筍氣慧山僧亦善權僧若將十畝論車舸却

笑情偏太守曾

嘗買田十畝捨慧山供茶費以小船貯善權水洞故云

盆蘭

文徵明

藜藿携自荆溪上小盃春深自著花賓客清閒塵土遠曉  
窓親試案頭茶

遊漢川作作意尋二絕

王大用

作意尋龍入漢川到頭二水自交纏碧梧翠竹流元氣白

石丹霞隱洞天

作意尋僧南嶽寺行行直到洗腸池明心見性西來旨剖  
肝示人非所知

陽羨山人

孫一元

陽羨山人戴鷓冠偶來白日游塵寰雲霞一夜忽入夢却  
騎麋鹿還青山

坐潘山菴

杭瀛

流水飛花小澗潄青春欲盡思難禁中庭一餉留連地落  
日鶯聲滿綠陰

任公釣臺

幽花踈竹野煙低千古陶人蝕舊基民野不知公勸政只  
傳太守釣魚磯

天申宮

古殿摧殘柱石栽當時曾見翠華過巖花地草春無賴流水間雲柰爾何

菴畫溪

王瑞

菴畫溪頭風日晴青山兩岸郭公鳴半篙新漲花千點曾記春深幾度行

宿菴畫溪

湯霖

一宿山溪候雨晴鷓鴣飛起短榔鳴青山夾岸花臨水人在王維畫裏行

釣魚臺

溪漫桃花鱖正肥一陂春草占晴暉雙楓古岸忘遺址數

點青山白鳥飛

張公洞

王述祖

洞開傳自赤烏年草際橫碑有字鐫欲訪張公問仙迹煙霞水石總茫然

宿潘山菴

尋水尋山兩日忙尚餘高興卧禪房無端感慨難為別燈火依依靜對牀

過任昉釣臺

沈斲

煙水蒼茫遠釣磯西風臺上景依稀空留遺跡人何在白鳥雙飛帶落暉

春日同沈楚山泛菴畫溪

李文

芳沚煙消兩岸平  
船頭花影照人明  
青莎日暖鳥鷺醉紅  
杏巢深翡翠鳴

紫蔓青蘿花襍開  
春流十里抱煙迴  
畫船移過垂綸地  
遠想任公在釣臺

靚波紅樹自竒觀  
畫鼓鸞簫巧助歡  
泛到五雲更深處  
脩眉橫黛是銅官

荆溪外紀卷之六

荆溪外紀卷之七

邑人楚山沈敕編輯

直州雲壁李文校正

七言八句

遊荆溪

嚴維 唐人

銅官之山溪水南  
周處廟前多夕嵐  
看捲雲帆歌白苧  
勸嘗春酒破黃柑  
長林獨往誰能覓  
幽事相關性所耽  
若欲避喧那畏虎  
尚從地主結松龕

夜聞賈常州崔湖州茶山境會想羨歡讌因寄此

詩

白居易

遙聞境會茶山夜珠翠歌童俱遶身盤下中分兩州界燈  
前合作一家春青娥對舞應爭妙紫筍齊嘗各闔新自嘆  
花時北窓下蒲黃酒對病眠人

奉寄獨孤常州時蒙溪幽居在義興益增懷思

李幼卿

近日霜毛一番新別時芳草兩廻春不堪花落花開處况  
是江南江北人薄宦龍鍾心謾懶故山氣落水滄淪緣君  
愛我疵痕少願竊仁風寄老身

寄答李滁州懷玉潭莊

獨孤及

相逢遽嘆別離牽三見江臯蕙草鮮白髮俱生歡未再滄

清夜久仙去白雲殘明月開金籙林香入木蘭

歸陽羨蕪送劉八

湖上歸帆別江南謫宦歸前程行更遠臨水淚沾衣雲夢  
春生遍瀟湘客過稀武陵招我隱歲晚向柴扉

酬裴十四

淮海每聯翩三年方一見素心終不易玄髮何須變舊國  
想平陵春山滿陽羨隣雞莫遽唱共惜良夜宴

贈普門上人

支公身欲老長在沃州多慧力堪傳教禪功久伏魔山雲  
隨坐處江草伴頭陀借問迴心後賢愚去幾何

送普門上人還陽羨

皇甫曾

花宮久難別道者憶千燈殘雪入林路暮山歸寺僧日光  
依嫩草泉響滴春冰何用求方便看心是一乘

送陸鴻漸南山採茶

千峯待逋客香茗復叢生採摘知深處煙霞羨獨行幽期  
山寺遠野飯石泉清寂寂燃燈夜相思磬一聲

送僧歸南嶽

周賀

辭僧下水棚因聽嶽鐘聲遠路獨歸寺幾時重到城風高  
寒木落雨絕夜堂清自說深居後鄰州亦不行

晚次荆溪呈崔明府

張祐

晴沙見底空無塵青石潛流暗有聲微動松風涵浙瀝細  
浮竹月透輕盈桂凝秋露添靈液茗折春芽泛玉英應是  
梵宮連洞府浴池今化醴泉清

三月三日同義興李明府泛舟皇甫冉

江南煙景復如何聞道新亭便可過處處蕪蘭春浦綠萋  
萋藉草遠山多壺觴湏就陶彭澤風俗猶傳晉永和更使  
輕橈隨轉去微風落日水無波

山居即事二首

陸希聲

君山蒼翠接青冥東走江湖上洞庭茅屋向陽梳白髮竹  
窓深夜誦丹經湧泉回穴魚龍烝恠石驚騰鳥獸形為問



前時金馬客此焉還作少微星  
不是幽棲矯性靈從來無意在羶腥  
滿川風物供高枕四合雲山借畫屏  
五鹿歸來矜嶽嶽孤鴻飛去入冥冥  
君陽遁叟何為爾一炷清香兩卷經

衛將軍廟

并序

許渾

將軍名逖陽羨人少習詩書學弓劍有武畧二  
十七遊并汾間遇神堯皇帝始建義旗逖以勇  
藝進滿行列洎擒竇建德逖時挾鎗劍前突後  
翼太宗顧而奇之天下既定錄其功拜將軍宿  
衛以母老病且乞歸侍殘年辭旨哀激詔許之  
既而以孝敬睦閭門以然諾居鄉里及卒邑人  
懷其賢廟宇荆溪之洞以平生弓甲懸東西廡  
下歲時祠祭頗福其土焉文士王敖撰碑辭實  
詳備惜乎國史闕書其人因題詩于廟壁

武牢關下護龍旗挾槊一作轡弓馬上飛漢業未興王霸

在秦兵纔散魯連歸墳穿大澤埋金甲廟枕長溪掛鐵衣

欲奠一作吊忠魂何處問葦花楓葉雨霏霏

送元晝上人兼寄張厚二首

自卜閑居荆水幽一作頭感時相別思悠悠一樽酒盡青山

暮千里書回碧樹秋深巷久貧知一作長寂寞小詩多病尚

一作也風流晝公此去應相問為說沾巾憶舊遊

二年無事客吳鄉南陌春園碧草長共醉八門回畫舸獨

還三徑掩書堂前山雨過池塘滿小院秋歸枕簟涼經歲

別離心自苦何堪黃葉落清漳

游溪夜回寄道玄上人

南郭煙光異世間，碧桃紅杏水潺潺。  
猿來近嶺獼猴散，魚下深潭翡翠閑。  
猶阻晚風停桂楫，欲乘春月訪松關。  
幾回策杖終難去，洞口雲歸不見山。

題崔處士山居

坐窮今古掩書堂，二頃湖田一半荒。  
荆樹有花兄弟樂，橘林無實子孫忙。  
龍歸曉洞雲猶濕，麝過春山草自香。  
向夜欲歸心萬里，故園松月更蒼蒼。

春日自吳門之陽羨道中書事

曹松

勝異恣遊應未遍，路岐猶去幾時還。  
浪花湖澗虹蜺斷，柳

線村深鳥雀間，千室綺羅浮畫楫。  
兩川絲竹會前山，眼前便是神仙事。  
何必須言洞府間。

贈南嶽馮處士

曹唐

白石溪邊自結廬，風泉滿院稱山居。  
烏啼深樹斲靈藥，花落閑窓看道書。  
煙嵐晚過鹿裘濕，水月夜明山舍虛。  
支頤冷笑緣名出，終日王門強曳裾。  
寂寥深木閉煙霞，洞裡相知有幾家。  
笑看潭魚吹水沫，醉嗔溪鹿喫蕉花。  
穿厨歷歷泉聲細，繞屋悠悠樹影斜。  
夜靜着灰封釜竈，自添文武養丹砂。

洞靈觀納涼

胡宿

秋波不動簾紋融松月悒悒透綺籠露重井梧翻瘦碧雨  
田堦藥墮薦紅鴛鴦淨占銀塘水乳燕涼飛玉宇風秫酒  
易銷殘夢斷却疑身在廣寒宮

題善權寺石壁

李蟻

四周寒暑鎮湖關三卧漳濱帶病顏報國雖當存死節解  
龜終得遂生還容華漸改心徒壯志氣無成鬢早斑從此  
便歸林藪去更將餘俸買南山

題天申宮

宋維

殿閣盤空壓巨鰲洗然靈迹助風騷玉龍卧久洞雲冷玄  
鶴唳頻山月高深谷羽童探石菌曉堂真侶飲仙桃可憐  
不悟長生者塵裡區區改鬢毛

留題冲寂觀

許堅仙

地壓湖山來有福殿橫秋氣為凌霞松壇淨接星辰近石  
路高連鳥道賒華表真人曾化鶴銀河仙子幾乘槎偶携  
竹杖離繒繳因得神遊象罔家

游宜興法藏院觀桂紫菊花

陳襄宋人

山茶花開菊花紫有桂童童立花裏柔姿翠榦已可憐更  
傍幽叢看花蔬山僧揖我臨軒坐眼到闌干心即喜便欲  
移歸種郡齋忍令此地風塵埋

次韻蔣穎叔

蘇軾

月明驚鵲未安枝一棹飄然影自隨江上秋風無限浪枕  
中春夢不多時瓊林花草聞前語菴畫溪山指後期豈敢  
便為鷄黍約玉堂金殿要論思

寄陳述古

惠泉山下土如濡陽羨溪頭米勝珠賣劍買牛吾欲老殺  
雞為黍子來無地偏不信容高蓋俗儉真堪着腐儒莫恠  
江南苦留滯經營生計一身迂

汲水煎茶

活水還將活火烹自臨釣石取深青大瓢貯月歸春甕小  
杓分江入夜甌雪乳已翻煎處脚松風仍作瀉時聲枯腸

未易禁三椀坐數山城長短更

張公洞

蘇轍

亂山深處白雲堆地坼中空洞府開繭窠有天含宇宙瑤  
臺無路接蓬萊金芝春暖青牛卧珠樹月明黃鶴回此日  
登臨興何限春風吹綻碧桃腮

贈荆溪蔣穎叔

黃庭堅

金城千里要人豪理君亂絲殊孔勞文星合在天東壁青  
都紫巖碎雲礮荆溪居士傲軒冕胸吞雲夢如秋毫三品  
衣魚人仰首不見金牛可下刀

游張公洞

李堅

古洞深沉白晝間  
煙霞出沒絕塵寰  
落紅滿地花初歇  
啼鳥一聲春自閒  
丹竈苔荒仙去遠  
松壇月冷鶴飛還  
我來幾欲重登眺  
削壁題詩興不慳

東溪

梅堯臣

行到東溪看水時  
坐臨孤嶼發舡遲  
野鳥眠岸有閑意  
老樹着花無好枝  
短短蒲葦齊似剪  
平平沙岸淨於篩  
情雖不厭住  
不得薄暮歸來車馬疲

題張公洞

單鉞

松菊接荒山水間  
阿難指點到仙寰  
洞門龍出雲猶濕  
石室丹成火欲寒  
百越樓臺摩詰畫  
三吳煙水季膺閒  
陶然

醉卧花間酒細納  
餘香滿袖還

勝果寺

周必大

門前疊嶂鎖煙霞  
澗底流泉泛落花  
藏却三衣辭寶社  
寄生二子在農家  
聽經日到斑斑虎  
獻茗時來白白蛇  
是聖是凡都莫測  
世人休謗亦休誇

題張公洞

單錫

巖頭鬱鬱凌寒栢  
栢間時復雲封白  
苔蒼草碧自年年  
絕竒中有叅同客  
道通下躡天根深  
山靈啼泣窮崖陰  
春深不問花開落  
寂寂空山千萬尋

前題

蔡中道

天上騾踪竟不迴  
洞門深閉密封苔  
神光夜燭燒丹竈  
淑氣晴薰講易臺  
瑶草春肥仙去遠  
紫芝雲暖鶴歸來  
清遊喜挾三茅客  
杖屨凌空霧雨開

善權奇觀

李曾伯

粵從融結此山川  
現出人間小洞天  
香火叢林千古盛  
神仙窟宅自今傳  
品分三洞中猶宇  
脉貫兩巖下出泉  
我自緣聊乞取萬  
松陰裡一牛眠

再遊善權宿福巖堂

有序

福巖禪師三年前說要整頓善權境界乃創雲山菴以相周旋茲來盡如前說可謂有心力者矣叢林衲子安得不讚嘆推服此山氣象一新三百年後規模當與清泉白石相朽區區扶病

來山三宿欲著一語不能偶枕間得五十六字口授男杓書以畀之謾求印證幸一笑相與老此山毋再出尋關蓋也

強健南庠抱病還  
鬢毛剥落足蹒跚  
喜觀雲衲酬前約  
莫聽家僮說舊官  
幸見如陵羞在隴  
將期同願老於盤  
當家公案師拈出  
全似三生石上看

題山亭

蔣堂

山亭深處枕清溪  
萬目回環盡翠微  
梅萼破香知臘近  
柳梢含綠認春歸  
風前列嶂琴三疊  
雪後群山玉四圍  
顧我此來盤礴久  
塵勞瀟洒頓忘機

望太湖

蘇頌

杳杳波濤閱古今四邊無際莫知深潤通曉月為清露氣  
入霜天作冥陰笠澤鱸肥人鱸玉洞庭柑熟客分金風煙  
觸日相招引聊為停橈一楚吟

游善權洞

蔡肇

陰風漠漠護崔嵬激澗脩篁翠壑開何處人天盡回向于  
今龍象亦堪哀常星曉掛層臺冷隕石宵飛夏屋摧巖戶  
彭鏗聊戲擊山中日月有奔雷  
相鮮金碧照崔嵬殿閣園林迤邐開留戀白雲禪客少寂  
寥青嶂曉猿哀山川勝處天然巧景象窮時石也摧靖節  
遠公如可作不應蓮社愧劉雷

題天申宮

勝迹傳來不記年昔聞曾駐漢神仙赤烏方喜靈壇建白  
馬俄驚梵宇遷觀額自唐因記定宮碑至宋有珉鐫江南  
福地雖云眾第一無過此洞天

張公洞

髯仙御氣已超昇巖洞千秋冷不扃若許殘鉛除白髮敢  
辭長鏡斲青冥壇場歲為民祈福蒿艾時因鬼乞靈他日  
重來尋石髓絳雲深坐讀黃庭  
髯仙御氣歛雷扉洞戶千秋敞翠微寓馬至今來秘祝芻  
靈聊復借餘威石房故劍龍隨勢空竈殘丹鼠輒飛欲煉

守詩書屋  
九  
刀圭留齒髮山頭白鶴幾時歸

登子隱臺

揚傑

平西義戰幾百載江左空餘子隱臺鄉客尚傳三害去地  
基曾見六朝來人隨浙水年年遠山似屏風面面開誰與  
宜興訪舊宅至今臧在白雲堆

題張公洞

慶曆初還自雲川曾携琴酒訪真山洞天不隔三千界俗  
駕重來四十年羽竇結成鐘乳石朱藤蒙車畫溪舡樵夫  
不識願山叟欲與何人講易扁

宜興邵智卿天遠堂

曾幾

目極雲沙靜渺然邵卿風月過年年鴈行滅沒山橫晚漁  
艇空濛水接天南國棠陰春寂寂東風瓜蔓日綿綿問君  
許作隣翁否陽羨溪邊即買田

游張公洞

張公洞府未着脚向人浪說遊荆溪欲看直上翠羽蓋不  
惜扶下青雲梯勁風翻動土囊口暗水流出桃花溪却將  
深處問兒輩一夕魂夢窮攀躋

發宜興

老境垂垂六十年又將家上鐵頭船客留陽羨只三月歸  
去玉溪無一錢觀水觀山都廢食聽風聽雨不妨眠從今



布襪青鞋夢不到張公即善權

周侯古祠

劉宰

廟宇巍峩對古墳將軍英氣宛如存當時改行除民害歷  
代封功沐寵恩虎穴雲埋山寂寞蛟溪波冷月黃昏我來  
吊古追行樂駐馬花前酌一樽

題張公洞

孫覲

洞口西風響松栢零落野雲鋪地白果老騎驢去不還望  
斷崖前採樵客苦竹森森一逕深古碑無首卧墻陰仙人  
漫有遺踪在海濶天高何處尋

卷畫溪行四首

老牯浮鼻水中歸絲雉應媒桑下飛蘿菀冥冥山四起數  
家雞犬煙樹裏一支新綠漲晴溝楊柳中間繫小舟卷盡  
谿頭鳥鳥樂呼風喚雨不能休  
蝶趁花飛爭入座倚空百尺游絲墮亂山啣日半船明斷  
雲載雨前村過葦芽戴土小兒拳漁市人歸柳貫鮮卷盡  
溪頭人語好烹魚煮蕨餉春田

沙頭綠暗已藏鴉竹裏猶殘一兩花蝸廬抱柳開新國燕  
語窺簾憶舊家春風有信自年年卷盡谿邊柳繫船陶情  
滿滿酒如泉醉與長瓶藉草眠

翠木碧藤繚白沙槿籬茅店野人家了無狡兔營三窟只

有黃蜂趁兩衙樹頭獵酒旗風罨畫谿邊賣酒翁銀餅  
快瀉酒若空令君一笑面生紅

題義興惠聲伯溪亭

小檻天紅直欲然喬林老翠自生煙雲蘿屬地青霞帔雨  
筵填溝赤仄錢折柳貫魚初受釣鮮龜換酒看垂蓮便湏  
秉燭追良夜花減春歸又一年

正月十五夜荆溪館然燈燕北客

虎鼠同遊十二宮何妨蛇蚓雜蛟龍熒煌寶樹繁星合泛  
灑金莖湛露濃海鳥定知驚鬢鑠濠魚且共樂從容賈生  
欲係單于頸應費朝家五餌供

書蔣宣卿景坡詩卷

家聲籍籍冠中州健筆縱橫貫九流三世祖孫吳郡牧兩  
朝人物山亭侯願印自快披雲睹衰陋空遺倚玉羞便恐  
追鋒天上去不辭投轄為公留

高名迥出中興日大句追回正始風浦上珠還孤月吐壁  
間梭躍五雲從景坡堂裏參差見飯顛山頭邂逅逢更欲  
騎鯨追李白八門一路羽翰通

題張公洞

王繹

高上宸居隔紫煙洞中金闕暗相連輔光竈冷留香麝太  
素淵清湧玉泉後夜龍歸雲浪濕未明人起月華鮮秋光

不老巖前麓到此偷閒亦自賢

題大蘆寺南山堂

姚希得

結屋臨流老此身溪頭顧我更情親不於南墅多栽橘只恐東坡解笑人地窄雖無三徑樂心和贏得四時春孤忠耿耿知何補惟願年豐作幸民

詣東坡祠

方回

至和嘉祐政途開老鳳將雛出蜀來父子聲名天宇小弟兄筆陣海潮回岷峨一氣鍾三傑杜富諸賢得異材二百年來拜遺像堂堂直氣尚崔嵬

題宜興迎華驛

無名氏建炎間人

家問不來秋夜長白鷗眠處倚牙樯風搖湖水動山影天壓隴雲低鴈行菊老過時猶嚼蕊魚逃無水尚鳴榔洗兵馬詔何時下免遣農夫坐女墻

周侯祠

印月江衲子

將軍手持三尺劍奮身直入蛟龍穴至今魚鱉不敢遊溪流上下皆腥血千年廟食未足酬問之父老何其憂害人白額猶未盡紛紛不獨南山頭

題冲寂觀

陳鈞元人

琴聲邀我鶴壇遊瘦馬遙途得暫休黃葉兩鞵山徑晚白雲一枕石牀秋丹泉月靜曾飛兔恠樹年深欲化牛忽憶

波心長嘯客凌波不假碧蓮舟

游南山次韻

趙孟頫

絕頂清秋凌翠煙登臨應費酒如川平生能着幾兩屐負  
郭何須二頃田初日出雲光射地雙溪入湖波接天升高  
望遠我所愛青壁有路何當緣

溪上

溪上東風吹柳花溪頭春水淨無沙白鷗自信無機事玄  
鳥猶知有歲華錦纜牙樯非昨夢鳳笙龍管是誰家令人  
苦憶東陵子擬開田園學種瓜

張道士蜀山圖

虞集

碧玉參天是蜀山舊曾飛步歷孱顏松風上接空歌外蘿  
月低懸合景間試劍丹崖秋隼疾濯纓清澗夜龍閒君家  
虛靜歸來日冉冉蓬壺為憶還

游張公洞

白珽

天開福地據雄尊果老張公幾代孫一竅通天才直上千  
崖轉目已平吞山頭白鶴來無影石上青驪去有痕我欲  
放身如脫屣仙凡一轍隔重關

題蘇東坡橘頌

南荒久死幸生還種樹書存手自刪赤壁夢難同楚頌洞  
庭樂不減商山人生墮地少如意老子對天無愧顏千古

菟裘有遺恨斷碑殘壁自人間

笠澤漁隱

陳子貞

方塘如鑑石如峯落葉平蕪覆一重雲作晚陰低薜荔水  
涵秋色亂芙蓉黃冠道士松間過白雪漁舟月下逢尚想  
天隨無俗伴應携茶竈與從容

送張伯雨遊張公洞

倪瓚

荆溪山水閔靈宮子晉鸞笙下碧峯午夜月明風滿嶂千  
巖人靜鶴眠松綠知瑤草春來長應有仙人洞口逢莫為  
青驪翁久住歸來騎取葛陂龍

宿荆溪太初上人房

人境曠無車馬雜軒楹只在第三橋開門草色侵書幌隔

水松聲和玉簫一榻雲山供夏簟滿江煙雨看春潮君能  
擷取飛霞珮天際真人近可招

題畫寄王光大

荆南山色清如染卜築正當溪水南浪舞漁舟鷗泛泛雪  
消沙渚柳珍珍涼軒楓葉晴雲綴秋浦荷花落日酣舊宅  
不歸幽夢遠吳松聊結小禪龕

牧之水榭 有序

張雨

杜樊川水榭在義興東郭宋紹興間即其地創  
招提今廣福精舍是矣僧古田築屋三間仍以  
水榭名牧之寄許七侍御詩有云塵意迷今古  
雲情識卷舒他年雪中棹陽羨訪吾廬刻石為  
山中故事古田諸孫易道上人從予游  
求為賦詩往題其處好事來續未艾也

愛此招提絕世氛何因水榭得名聞幽篁嘉木知誰共塵  
意雲情若个分陽羨溪頭黃葉路晚晴賦裏白鷗群詩僧  
文采居然別解道曾留杜使君

善權山洞

善權離墨爭盤紆浩劫礪礪仙人廬莘莘石林壓水府往  
往間道通樓居壁藏已出黃素卷穴處猶多青綠魚愛此  
長連煮茶竈待我盥漱沾遺餘

同張德常遊張公洞

騎入秋雲捲畫間日出洞靈猶啓關東皇衣覆雲霧海玉  
女盆盛人鳥山牽驟步步踏石髓投龍往往祝金環茅家

小吏向塵土弭節相遲明當還

題廣福寺古田上人水榭

張翥

千秋遺跡大溪邊新築精監喜老禪故事倡從張句曲高  
風留在杜樊川棋燈照夜藏書閣棹雪衝寒載酒船賸欲  
題詩寄幽賞鷓鴣飛處水如天

寄宜興王光大

楊維禎

我讀宋臣名義傳尚聞七葉子孫賢蓬萊縮地三千里喬  
木垂陰四百年鴈度漢關傳使節鶴歸張洞話神仙介春  
軒下觀彝器來泊鐵籠書畫船

甫里宅前新里隈紫芝尚有讀書堆銅彝夜作牛盞吼錦

瑟春從鴈柱回笠澤水聲隨海逝洞庭山色截江來鐵仙  
騎鶴雲間下王母西來獻玉杯

泛東湖

湖頭新長桃花水野客逢春渾欲狂酒船遮莫載窈窕棹  
歌聊復發滄浪軒皇瀉樂洞庭楚神女弄珠明月光相約  
漢陂移杜老主人亦有錦帆張

泛湖望洞庭

明月灣前白浪流毛公壇下釣魚舟東包西包金色湧大  
雷小雷龍氣浮便路擬從天后覲秘書仍向夏王求蓬萊  
未到惟東向七十二峯生遠愁

東湖漫興

春來湖上已多時野人不出祥未知上石蒼苔圓箇箇受  
風青柳弱枝枝廣文騎馬到官舍稚子操舟入漢陂春風  
引入著勝地酒船胡用習家池

讌玉潭

沈貞

由來玉潭不受暑况復春盡夏初時筵前舞女執花當溪  
上報郎歌竹枝月冷石壇松露滴雲深洞塢樹陰移此中  
清興復不淺賴有諸君能賦詩

春日茶山書事

春來日日好天氣况是太平全盛年東家官人借騎馬南

市津頭多賣船間似少陵來杜曲興於元亮到斜川呼童  
速取一斗酒恰有杖頭三百錢

湖上

野水晴山湖上村柳花飛雪擁柴門魚吹浪沫翻萍葉鳥  
浴堤沙糝草根獨老一區楊子宅誰爭三里謝公墩清吟  
冷館無慘賴皓首空招楚客魂

歸茶山

落落朱櫻破雨肥班班紅筍透泥齊懶童圓藥神先睡病  
叟觀書眼轉低山挾晴嬌新水嫩地含濕潤淨苔迷臨江  
節士來相訪自把閒名竹上題

游張公洞

陳德耕

荆南山北畫溪邊中有張公古洞天但見登臨誇好景不  
知開鑿自何年香臺夜露青羅月雲碓朝春碧澗泉莫嘆  
來遊春已晚醉乘驄馬聽啼鵲

畫溪

朱逢吉

白雲在山月在溪天公幻出有玻璃溪山佳處誰解道有  
聲之畫無聲詩流水桃花三月暮移家便欲溪邊住只今  
世上有桃源非是當年避秦處

題張公洞

陳祖仁

荆南山水稱奇絕古洞深沉白晝昏但覺鴻濛迷上下爲



知義畫判乾坤神功不費雕鏤力天巧曾無斧鑿痕此地  
信然塵世隔昔人何用覓桃源

題天申宮

劉深

仙府遙臨蒼盡溪溪流東瀉影如霓登山不盡今朝樂掃  
石誰看昔日題寶蓋飛空塵劫遠丹臺回首野雲低蘇花  
生遍經行路不許春風長蕪黎

張公福地

張羽材三十二代真人

秋風吹衣草樹涼巨靈守護神丹光袖携夫香入洞府散  
作雲霧空蒼茫拄杖鏗然嚮微步石髓垂垂澗甘露時當  
相遇五百年分明中有昇天路

過牧之水榭

夷簡補子

樓閣當年誇紫冥梵屢花雨肅神靈可憐劫火塵都暗惟  
有經臺草自青一水芙蓉開曉鏡千峯翡翠立秋屏山川  
滿眼遺墟在城郭人非半掩扃

游張公洞

正元

青鞵布襪走天涯未省鄉邦有此竒眼底破冥雙炬火脚  
頭防滑一筇枝經行日月不到處想像乾坤未判時笑拂  
巖扉題歲月筆端雲氣走蛟螭

周孝侯祠

貞石

遺廟荒涼野水隈千年忠義獨難摧橫秋壯氣凌霄漢掃

電英聲夾怒雷腥落雕弧搏虎後血凝霜劍斬蛟回當時  
不被梁彤悞竹帛應全文武才

前題

蔣景玉 羽流

長橋怒東西來水空巖煙雨埋山鬼斬蛟射虎安在哉千  
古荒丘埋劍履淒涼往事今何如坐令道路咸衢當年  
蛟虎不復有嗚呼人害無時無

許將軍馘墓

徐賁 國朝

南郭橋邊有廢墳鄉人傳是漢將軍土中印出名纔識火  
後碑殘跡少聞旗捲虎牙空落木劍埋龍炁只寒雲昔年  
我亦曾遊此吊古于今又送君

荆溪精舍為張天民題

舊宅荆溪十畝寬四圍山擁翠嶺屹鹿行雲嶠煙蘿晚人  
倚松風翠閣寒兵後已無吳板籍畫中猶似晉衣冠飄零  
總是無家客揮淚題詩苦未安

孝侯祠

吳克恭

陽羨溪邊孝侯廟平原文字右軍書憶從名士傳家後誰  
謂將軍亡國餘蛟虎于今滿道路山川自昔好丘墟長松  
祠宇清風在擬卜比隣葺舊居

題荆溪圖

周砥

荆南山水昔曾遊離墨銅官嵐翠浮任昉臺前好垂釣張

公洞口不容舟綠蘿搖雨花飛急白鳥衝煙浪未休今日  
披圖一惆悵王君住處憶風流

荆南精舍

荆溪南向先生宅何但看山醉綠苔任叻臺邊垂釣去孝  
侯祠下放船迴風花春乳千巖雪松瀑晴喧萬壑雷回首  
舊遊渾夢裡登高悵望獨徘徊

禹門菴

馬治

東龍池下禹門菴翠栢蒼松遶石龕五月松風秋瑟瑟二  
天花雨晚穆穆霧開文豹藏深塢日上青蛇伏小潭經罷  
山人出留坐半甌香茗帶甘泉

天申宮悼岳松礪

東遊已見海揚塵跨鶴俄驚夢裏身玉府早年多道氣幔  
亭何日會鄉人淒迷登盡溪頭月寂寞張公洞口春惟有  
唐門書澤在相臺公族目振振

寶粹二上人值雨留宿西澗草堂明日賦此以贈  
相訪竹林茅屋下不因風雨豈留連棲遲尚辱諸公問來  
往深慙二子賢落葉下山逢馬跡踈鍾隔水見人煙舊遊  
空憶錢塘去聞道如今異昔年

西齋守歲復履道

歲云暮矣天涯客今夕能來慰不眠坐久依依思遠道氣

酣往往說當年春遊吳苑君常慣雪詠鍾山我自憐惆悵  
情悰那再得荆溪謾有酒盈船

繙經一首簡天民

鄭天祐

矯矯金壇八十翁繙經收得大乘功瞳神水剪琉璃碧舌  
相香噴齒齒紅一邑絃歌蒙子化四窓燈火與孫同太平  
有日歸陽羨還理田園樂歲豐

游張公洞簡劉道中

薛玄卿

赤鳥三載發靈竒古洞幽深道路危翠竇下攢山瀑落紫  
巖中廓石膏垂鐵船通海時難遇金鼎調元事可期祇恐  
使君同變化白驪來往少人知

題王允剛山齋

孫賁

幽人結屋不欲多胡為雜沓山之阿已開軒檻種脩竹更  
作陂塘環芰荷吳中勝槩真可樂秦郡遺風今未磨青鞋  
布襪許借我遲暮有意來相過

前題

宗泐  
衲子

菴畫溪頭新結屋開門正對銅官山漁舟蕩漾波濤裡仙  
珮委蛇雲霧間翠竹蒼松日月老岸花汀草春風間秦王  
孫子未寂寞環慶古堂行可還

前題

遂初

陽羨維南丘壑美憑高結構見幽心鈎簾夜月千家靜戶

牖朝光萬木深可但能琴鳴別鵠也知臨帖到來禽抗塵  
走俗誰聞此還有高朋去眺臨

前題

來復

湖上山明綠映門高槐擁坐晝陰屯鮮卑舊族多卿相陽  
羨名家盛子孫竹裡掃雲分石榻花前待月注金尊太平  
無事勤耕讀桑滿東臯稻滿原

溪上隱居

揭軌

流水春來滿碧溪綠陰深處嘯黃鸝山頭雲氣都成雨陌  
上林花半染泥陶令已辭彭澤去龐公應逐鹿門携種苗  
遠在東臯上薜食蔬晨度澗西

荆南山齋為王允剛題

陶凱

百尺長松帶女蘿數椽茅屋傍巖阿牙籤滿架藏經史野  
服終年製芡荷夜卧白雲巖下宿朝吟綠水檻前過高情  
獨立塵囂外不學南山扣角歌

寄荆溪儲惟德

惟希顏

聖代閒邊日進賢白頭喜見太平年曾聞方朔親王母莫  
歎昌黎狎大顛錫谷煙寒吟木客銅峯月白下胎仙政湏  
酪酏酌清事未必蘭陵斗十千

送僧歸南嶽寺

朱彥昇

山路花香上衲衣雲深南嶽一僧歸塵生古像聞寒殿風

度閑房掩夕扉踏雨棕鞋苔蘚滑炊香野飯稻梁肥禪餘  
猶轉千聲偈總有遊人得見稀

題宜興邵德庸溪山靜處

曹恕

釣有清溪採有山市聲渾不到柴關桃花水滿鷗常近松  
塢雲深鶴未還睡足滄浪聞欸乃行吟曲磻弄潺湲緣知  
靜裏乾坤別不屬勞生擾擾間

游會真道院

浦源

荆溪溪畔道家離亂經今幾歲華林下共看松化石海  
濱誰見棗如瓜壞籬殘雨應分菊虛牖踈煙始煮茶盡日  
來吟不能去忘忘羈旅在天涯

登義興蜀山懷東坡蘇公

玉堂歸到荆溪上以蜀名山欲不磨今日我來空嘆息當  
年公死竟如何一生忠節黃州雪萬斛詞源錦水波手寫  
斬蛟碑尚在鄉人打賣幾摩挲

重居寺雨後次初上人韻

空庭脩竹響琅琅夜坐高齋語對牀茶竈有泉分古澗寺  
門無樹掩寒塘禪心不動玉峯眠旅夢將歸百里長歲晚  
荆南聽風雨故園何日守茅堂

題魏仲遠見山樓

吳雲

百尺樓居盡日開四圍山色送青來平湖霽雨鷗波淨畫

棟春風燕子回天末煙霞浮海岱座中賓客對蓬萊登臨  
豈待如王粲擬欲披雲接上台

游張公洞

天開地闢神仙窟壯觀荆溪第一峯紫府移來知上界青  
驪去後見遺踪柯消石室棋聲歇花落巖扉麝氣濃我欲  
步虛窮睇眄雲深直恐伏虬龍

題真上人竹茶爐

王綬

僧館高閑事事幽竹編茶甌瀹清流氣蒸陽羨三春雨聲  
帶荆溪兩岸秋玉臼夜敲霜雪冷翠甌晴泛碧雲稠禪翁  
托此重開社若箇知心是趙州

周祠

陳森

曾從大將討西戎喜得封侯報武功字滅古碑明落日像  
存遺廟起陰風斬蛟橋下波濤息射虎山中道路通患害  
悉除民仰德生前祭饗樂無窮

遊善權寺二首

徐有貞

自喜尋幽冒雨行山靈為我特開晴龍歸洞口雲初合馬  
渡溪頭水亂鳴月過松窓移翠影風來竹榭作簧聲此中  
如有田堪買好擬東坡學養生

乘興尋僧不在山僧歸却訝我先還遡風迢遞迴孤權載  
月追隨過九灣錫杖重含煙草濕袈裟半帶雨華珞何須

浪說三生話聊復題詩一解顏

竹溪

解縉

武陵溪遠桃千樹汴水春深柳萬條何似此君多勝槩偏  
宜清隱絕塵囂翠禽啼處煙如織錦籜裁來雪未銷却笑  
此生慚六逸相思為寄白雲謠

善權過夏

王晏

龍巖洞前雲木幽善權寺裏夏如秋松高鶴眠啼鳥靜地  
勝僧閑來客留收經月下煮林茗觀瀑雲邊開石樓塵埃  
六月世途熱吾欲扁舟尋一遊

雪中懷石亭

石亭梅花舊時雪醉賞懽吟兩清絕誰能記此訪春行猶  
向樽前坐來說花已今朝不復存舊遊人別更消魂翠禽  
無處尋踪跡野渚荒寒雪滿村

寄周伯昂

橋下東流逝大川孤城寂寞自新年荒祠鬼嘯叢篁裏古  
塚鴉蹲老樹顛并練夕煙連水郭銅官初日映霞天登臨  
幾度堪惆悵故老猶將昔事傳

蜀山書院

李庶

坡老仙遊世已移草堂零落只荒基青山流水誰為主野  
草閑花總是詩一脉書香何處在百年忠節後人知我曾



歌馬尋遺跡背立斜陽看斷碑

大潮寺

峭壁危峯路幾重空門寂寂亂雲封  
玉書天上頒鸞鵲金地山中護象龍  
笠澤南來元有勝雪菴西去杳無蹤  
上方記得當時到踏遍清陰三里松

過蓮溪

高直

菴盡溪頭賀鑑家碧涵天影淨無瑕  
微霜早染青楓樹流水香飄白藕花  
風急片帆投極浦日斜一鴈下平沙  
扁舟載得蘭陵酒來候星郎八月槎

笠澤

秦旭

溶溶新水滿平湖舴舺西風十幅蒲  
輕逐斷雲歸百粵遠衝寒雨落三吳  
勢凌星斗如奔馬影拂滄洲起浴鳧  
周道只今平似砥不須翹首羨尊鱸

蓮溪秋色

晚霞飛盡水悠悠折葦枯荷一片秋  
玉鏡有痕魚上躍金樞無影月西流  
吳江詩興題紅葉越女菱歌起白鷗  
零落夫容天不管休文吟苦漫多愁

宇村煙樹

華祖芳

太湖西畔青山麓嘉木參差碧萬株  
丘壑煙嵐常帶映天工雨澤久涵濡  
陰陰近接華居好落落深資大匠需  
畫錦

堂前看不厭分明人在朝川圖

題善權寺

王超

峯巘重重紫翠分  
禪宮深處絕塵氛  
花飛蘿屋渾疑雪  
樹暗龍湫半是雲  
金碧輝煌堯率境  
琅函參錯貝多文  
老子亦有煙霞趣  
聽說浮生到夕曛

河橋舊業

畫橋百尺跨江臯  
欄檻橫空結構牢  
渡水飛花迎客騎  
夾堤垂柳拂魚舸  
波心落日青龍見  
浦口晴虹玉棟高  
此地有人營舊業  
試看題柱踏金鰲

張巷酒家

孤村雞犬水聲中  
茅屋踈籬小巷通  
花辦潤沾雙屐雨  
柳絲晴颺一帘風  
香浮春瓮蒲萄熟  
色映霞觴琥珀濃  
擬辦青錢沽一斗  
解貂何必問新豐

涵湖

湖上人家淡夕暉  
青山數點映柴扉  
桃花流水迷歸櫂  
楊柳東風拂釣磯  
晚飯香抄雲子粒  
晨羹細斫錦鱗肥  
卜隣我欲從漁隱  
歲晚滄洲願不違

大聖鍾聲

暝色蒼蒼鎖梵宮  
樓臺杳靄只聞鍾  
巖扉月下驚栖鶴  
禪榻雲中起卧龍  
野迥餘音沉暮雨  
林空清響度疎松  
願從

聽此醒塵夢借榻煙蘿第幾重

寺橋柳

柔條裊娜畫橋西披拂東風長漸齊  
金縷晴涵碧波淺翠絲暖護玉闌  
低雨添重處征衫濕煙着濃時去  
騎迷却憶送春曾過此滿堤飛絮正  
鶯啼

游南嶽

南嶽禪宮林木稠肩輿此日試追遊  
山僧謾見客來喜啼鳥不知春去愁  
封禪碑殘巖蘚合洗腸池在石泉幽  
此行未盡登臨興又逐歸雲度嶺頭

蓼莪菴

一簇樓臺倚碧岑招提正在五湖陰  
怒濤入夜驚僧定靈籟生寒雜梵音  
釋榻清涵嵐氣潤山鍾遙度水雲深  
下方日日多塵坌結社何時遂夙心

金鵝峯

金鵝秋色淨塵氛每憶登臨賦夕曛  
一徑曲通瓊島上兩峯高並翠屏分  
禪宮遠近皆紅葉鳥沒蒼茫半白雲  
許我結茅曾有約山靈不必重移文

題天申宮

銅狄空摩感廢興瓊臺琳館護仙靈  
泉飛蟠螭雲邊白山削芙蓉鶴外青  
鳳吹不來秋寂寂霓旌時見影亭亭  
題詩

寫遍巖頭石兩袖天香酒未醒

題大蘆寺

欲問三生石上緣名山千載一燈傳  
庭蕉靜剪翻經葉雲竇香分洗藥泉  
龍出曉堂飛白雨鶴歸晴嶂破蒼煙  
憑師乞與安心法莫放鍾聲到客船

再題善權和楊方伯韻

昔年曾宿遠公房塵跡何由到上方  
鳥識齋餘窺食鉢僧因定起續焚香  
露翻榭葉秋衣冷水滴蓮花午漏長  
聽說浮生每終日不辭歸路踏斜陽  
封禪碑殘尚可尋翠微深處古禪林  
松聲秋撼千岩雨雲

影晴分半壑陰海上留衣韓子意山中沽酒遠公心  
塵踪未畢平生願拂石頻來續舊吟

游張公洞

馬愈

自從洪水滔天日洗空山根萬古留翻海珊瑚難下脚  
墮巖雲母怕擡頭老夫便好移家住濁骨那能到此遊  
說與世間希道者更須何處訪瀛洲

石室

屠勳

月斧雲斤極化工清虛真可寄高踪  
白羊門外苔花老紫荔牆頭樹色濃  
入座香煙凝翡翠捲簾疎雨對芙蓉  
相看頓覺塵凡異不信蓬山一萬重

國碑

倪輔

千年事往重摩挲爭訝岐陽載駱駝深畫似鑄亡國恨好  
辭應媿阜民歌燒殘野火春煙冷蝕盡苔花夜雨多守護  
祇今歸地主不煩神物為撝訶

過太湖

夏原吉

滔滔綿亘五百里三萬六千餘頃寬眾瀆西來天設險三  
江東注海飛湍影搖霜橘金千樹光浸寒蟾玉一丸欲問  
陶朱在何處白鷗無語水瀾漫

題吳友雲忠節

潘子安

青山恨塞豺狼道白日忠懸虎豹關壯士自期頭可斫

臣誰信骨能還蕭蕭愁雨松杉外凜凜英風宇宙間泣血  
長途憐孝子土花紅碧正斑斑

前題

吳寬

南望滇池新廟開忠賢遺像許誰陪蚤知斯世為臣義不  
負中朝出使才辭髮肯因胡俗變戴頭直向虜庭來百年  
宇內終當死大節堂堂未可哀

簡沈時明

幽居試問今何處最愛荆南山水深菴畫通船清百折洞  
庭當戶翠千尋杯中有物誰留意筆底良工自苦心却向  
四明狂客笑老年纔住鑑湖陰

題吳友雲忠節

謝遷

犬戎遺孽擁穹廬

皇度維新走使車海上不還蘇武節粵南空賜尉陀書  
久知荒服歸無外遙憶忠魂恨有餘廟貌雙嚴文與節  
耿光千載照炎墟

遊善權寺

莊昶

拄到青天七尺筇湖山處處閣芙蓉誰携老病尋常我  
高坐乾坤第一峯古洞有天藏太始浮華無地着冷通  
此來喚醒三生夢肯許題詩和相公

三生堂

沈周

唐顏書扁鳳鸞騫雲木陰陰寶地偏一姓轉身三宰相  
三生完寺一因緣開監刊誓瞻遺石祿米推恩感贖田  
儘有人尋讀書處惟於忠定作潛然

訪袁明府于宜興留別吳大常昆季

四五親知一座中彭城衛氏此情同雨天深夜平添  
黑酒境衰顏強借紅地有故人堪久客民因良令長  
淳風移居我欲從編戶定住蜀山煙樹東

感宜興善權寺寥落

有客新尋古洞回國山無處問茶杯僧煩籍役兼徒去  
虎熟禪堂引子來雨爛竹姑春委頓風驚松籜夜摧頽  
未應

靈勝隨人往碧殿猶存火篆雷

送天倫上人還善權

杜董

古蹟靈壇憶舊登千峯迢遞一枝藤尋碑遍入前朝寺能  
賦全追近代僧蟋蟀夜堂吟野榻芙蓉秋浦見漁燈泠泠  
鐘磬相思處知宿龍巖第幾層

游洞山

李應禎

小榜支撐入洞門奔流昏黑泝雲根蛟鼉翻海驚蟠錯天  
地從初識混沌觸手流脂白玉冷亂燈點石明星繁恨不  
高尋趙莊客直憑千古問真源

雙桂堂為宜興張天麟兄弟作

乙卯科兄舉順天弟舉應天弟連登

進士

羅玘

冀北空群兄憶弟江東得儁弟思兄人間吉語傳千里天  
上春雷恰一聲國有虎龍還壯觀車無軾轍可橫行平生  
浪說張金紫驀地庭前雙桂生

其家舊號張金紫

題吳尚書忠節

徐溥

翼翼穹祠枕碧山陰陰喬木護禪關若教功在伊周下羸  
得名留宇宙間生氣百年渾不死高風千古信難攀天憐  
忠節多孫子賸有遺芬在世寰

送仲弟時望歸為義田之舉

扁舟迢遞上神京知爾非圖利與名先志未忘年尚少

義莊欲置議初成換同公藝雖無及制倣希文定可行莫  
惜慇懃爲久計緘書早報慰深情

涸湖書屋爲王士瞻題

何處深藏萬卷書涸湖南畔有精廬侵塔細雨生芳草滿  
架清風落蠹魚此日彈冠兼吏隱他時載酒雜樵漁乘閒  
欲訪王猷宅不待山陰夜雪餘

法藏寺明上人房

沈暉

范老讀書長白山談經幾夜扣禪關九天霖雨從龍去千  
里音書附鶴還林下鹿眠芳草暖巖中人靜白雲間新詩  
刻向蒼苔壁時有虹光射斗間

黃瀆舊居有感

黃瀆移居二百年門前喬木蔚然天春風楊柳湖邊路曉  
雨桑麻屋後田披鵲非關鳩性拙巢松休性鶴情偏傳家  
不用千金積架上遺書有一編

陪莊孔暘遊大潮寺

踏遍煙霞到上方忽驚身在白雲鄉湖山東望連天遠風  
雨西來滿寺涼病不勝衣憐瘦沈詩能入妙愛蒙莊十年  
江海悲離別此地誰曾共一觴

與沈仲律登大潮寺仍用前韻

三年疲馬各殊方一笑何期在我鄉促席喜聞深夜語登



山况及早秋涼白雲黃葉前朝寺流水柴門野老莊世事  
茫茫付身外相逢且醉菊花觴

浯溪留別

三日浯溪泊畫船風光正是麥秋天題詩初過宗忠簡縱  
酒還同李謫仙王老閉門空竹所邵生伏枕廢瓜田更憐  
張旭西遊去不見尊前草聖傳

袁大尹春風亭

主人私淑程夫子亭上春風日藹然樂地何如隨柳處韶  
光不減浴沂天窓開萬紫千紅裡道契三皇五帝前我欲  
相從坐一月碧桃花底聽鳴絃

憶東湖舊居

湖水茫茫遠接天遶湖萬頃盡腴田秋風稻熟長腰米春  
浪魚肥縮項編山際石林遙隱寺樹深溪館曲通船故園  
風景無窮好胡不遄歸樂暮年

具區西畔橫石蘭我屋正住蘭皋間百千萬箇家後樹七  
十二點湖中山水村山市交映帶沙鳥風帆時往還別來  
三徑想蕪沒竹裡有誰來扣關

足跡年來半九區夢魂常是憶三吳煙霞石室張公洞風  
雨扁舟范蠡湖春店杏花雙酸酒秋江菰米四腮鱸買田  
莫恠東坡老陽羨溪山天下無

屋上青山屋下溪，田園只在宅東西。  
喬林樹暗藏書閣，石澗泉流種秫畦。  
花外捕魚來野艇，桑間行饁見山妻。  
分明一段桃源景，却是漁郎路不迷。

題大潮寺

太湖西擁大潮山，萬丈青蓮一水環。  
佛殿高凌銀漢表，禪房多住白雲間。  
散花龍女乘風去，乞食山僧帶雨還。  
記得攀蘿登絕頂，仰探月窟俯塵寰。

善權寺

古寺經今八百年，長松夾道鬱參天。  
曾封禪傳孫氏，殿有天書記謝仙。  
澗口泉香群鹿飲，洞中雲濕老龍眠。  
若為

借得山房住，細閱琅函日幾篇。

烏溪橋成

長溪一帶隔東西，多少行人駐馬啼。  
天上靈官役烏鵲，人間平地跨虹霓。  
赤闌兩岸垂楊繞，華表千年白鶴棲。  
爲問往來車馬客，柱頭誰似長卿題。

洪河浩浩注東湖，需尾人皆病小狐。  
蜀道幾年愁朽棧，泗州一夜見浮屠。  
馬行雅稱齊公子，輿濟無勞鄭大夫。  
老我倚闌吹鐵笛，夜深天濶月輪孤。

王守溪期同遊張公洞途中遇雨返棹有詩見寄

借韻奉答

塵纓早已濯滄浪况是湖山引興長玉洞桃花春載酒畫  
溪煙月晚鳴榔叨陪謝傳真吾幸失却君房更覺忙西望  
白雲天咫尺尋真有約定須償

題娛晚堂真率會圖

蚤乞君王賜鑑湖誰將九老寫新圖也知後輩猶前輩自  
笑今吾非故吾道士勸嘗千日酒溪船喚買四腮鱸陶然  
一醉南樓下歸跨青驄不用扶  
十里青山一曲湖風煙絕似輞川圖清時自幸俱投老白  
社誰令也廁吾相國功慚無汗馬季鷹歸豈為尊鱸平西  
廟古碑橫草大廈誰將隻手扶

蜀山蘇祠立碑

蜀山書院五湖陰晷畫芙蓉互帶襟頌橘尚餘坡老澤巢  
松慙負謫仙心荒林日暮寒鴉集廢井春來蔓草深喜見  
穹碑祠下立隔溪重聽鼓簫音

送方策住善權

程敏政

上刹新聞住辨才一舟南去水如苔再傳衣鉢詩宗遠獨  
擅溪山盡障開草沒仙人燒藥竈花明丞相讀書臺病夫  
久欲捐葷飲春焙還能數寄來

送吳大常還宜興

王鏊

試罷彤庭便乞還不教名字落人間小團龍鳳春前雨卷

畫樓臺水面山文彩傳來多似舅功名老去只如閑洞庭  
東望無多路楚頌亭成有舊顏

登畫溪道中

兩岸青山欲並船清溪十里中泗泂侍郎橋畔柳拂地釣  
魚臺前花滿川南國勝境有如此東坡十居豈徒然誰云  
看盡盡不得恐是桃源莫浪傳

游善權寺

邵璨

玉帶橋邊輟棹來檜香松暖寺門開饑猿隔檻窺紅果老  
鶴沿階啄紫苔豪客謾誇詩勝偈高僧自說鏡非臺聊車  
歷遍黃金界九斗壇前趁月回

春山省茶

邵珪

南嶽山前春欲動肩輿輕載路非賒龍香謾挹芳園樹雀  
舌先抽穀雨芽稅戶夜催溫土坑貢船明發候江沙盪觴  
正苦權門牒傳語盧仝莫浪誇

贈邵用之

陽羨諸山離墨高元龍意氣與爭豪五年欹枕聽秋雨八  
月回槎犯海濤霄漢夔龍新接武塞垣貔虎久知勞舊曾  
三策魁天下莫似非才濫此曹

游善權

邵賢

十里松濤響入空禪林深隱翠微中碧鮮舊宅名猶在玉

柱靈根句亦工山列九峯千古秀水分雙洞一溪通三生  
宰相今何許撫景長吟思不窮

題東丘娛晚堂

邵寶

荆南溪水東頭憲使歸來訪故丘綠野竟忘裴晉國香  
山真識白江州風塵迹遠新圖畫山水情深舊釣遊我有  
一尊思共醉扁舟將趁菊花秋

憶李西涯嘗欲十居宜興

幾年卜築欲江東陽羨溪山罨畫中千里有情春草遍一  
尊無地暮雲空相州未得歸韓老汝頴猶堪葬長公曾說  
近遊須館我吾亭今合號涯翁

蜀山草堂

胡璉

坡老何人折竹呼草堂自愛此山居一生忠節黃州謫千  
古文章赤壁書澄邁驛中登眺後竹西寺裡咏歌餘買田  
陽羨吾將老此是先生燕語初  
春風禽鳥自相呼最愛茅亭水竹居詩有投簪解珮句人  
傳射虎斬蛟書玉堂金馬論思後白酒黃雞鄉社餘我到  
蜀山祠下拜荻花楓葉值秋初

題甯菴學士予莊四首

石璠

聞道揮金買碧山春風門巷不長關客來但話農桑事興  
到時行水石間芳草渡頭鶯語急夕陽江上釣舟還溪山

觸目皆詩畫摩詰多情恐未閒

神仙小隱亦蓬萊漸與紅塵斷往來落日數聲牛背笛春風一樹水邊梅草堂客散留雲宿苔徑人稀為鶴開聞築釣磯吾未信鳳凰原有鳳凰臺

風塵竟日鬢華新夢裡青山說未真滿地落花人起晏一簾疎雨燕來頻蠶成麥熟歌良吏酒美羊肥賽土神別有報恩三尺在中原無事且隨身

山中風日宮清平舊業新田喜漸成看過花枝還結子見馴麋鹿解呼名一年官課剛輸納盡日柴門少送迎我亦最諳農圃味太行東畔憶歸耕

張公福地

尹讓

張公福地真仙窟遍訪奇踪訊所聞白燕撲殘岩下石青  
踏破洞中雲四時不雨陰陽伏一竅通天晝夜分我欲  
詩記形勝媿無佳句軼栖筠

宿天申宮周玄佐館

卞榮

為玄都道士留洞天三日作清遊青山振古依然好白  
鹿如今在也否老我文章非李杜知君心事類巢由明年  
春日須來早莫待桃花逐水流

游張公洞

徐信

古洞尋真載酒來盤迴深入亂雲堆青驪有跡通幽境丹

竈無煙長綠苔此外何須尋閬苑眼前亦自有蓬萊人生  
行樂知能幾且醉碧桃花下杯

同吳翁謁蜀山蘇祠

費宏

扁舟暫倚釣魚臺沙畔群鷗自往來楚橘更憑坡老頌蜀  
橙誰乞杜陵栽南山正對籬邊菊北海寧虛坐上杯客子  
先陰詩與酒好懷還爲此翁開

入宜興訪舊游張洞

高貫

自嘆浮生訪舊遲勝遊今遍太湖西青山路遶香蘭渚綠  
水舫通菴盡溪仙洞煙霞同載酒梵宮花竹各分題不堪  
故里東回首野樹寒林一鳥啼

予莊晚步

吳儼

扶筇閒步洛橋東水色山光迥不同黃鳥引雛青嶂外綠  
楊倒影碧波中分秧日近愁無雨刈麥時來喜有風造物  
可隨人意變較量笑殺兩隣翁

邀費鵝湖過山莊避暑

小洛橋西碧澗長濯纓不必問滄浪五湖地澗后偏靜六  
月山深夜自涼池面雨浮菱葉亂門前風細稻花香高旌  
暫住茅簷下音信何愁滯異鄉

予莊四首次石學士韻

招隱何須賦小山杜門更欲建重關采菱歌落雲煙外打

麥聲來咫尺間昔日種成松老大清晨放去鶴飛還道人  
本自心無事較雨量晴亦不閒

長鏡不用斲蒿萊數月渾無一客來帶雨初移庭下竹試  
花又看臘前梅月明松徑隨山轉岸仄柴門逐水開莫道  
白雲飛不去有心長護讀書臺

鏡裡叢叢白髮新痴心方且學脩真論文客到常辭出問  
性人來不厭頻短牖南頭脩竹譜曲闌東畔醉花神夜深  
篝火尋芝朮勉強支持此病身

矮屋低墻草樹平百年別業喜初成滿頭白髮猶忘老對  
面青山不記名行路喜逢田父罵出門惟有野人迎春禽

何與農家事布穀聲聲為勸耕

拜岳武穆王祠

張愷

平生左傳是吾師此意惟應卻穀知陽盛又當陰盛日南  
風不競北風時乾坤未竟生前志廟貌空遺歿後思多少  
英賢來下馬蘋香盈把酒盈卮

遊善權

湯聘

玉帶橋頭丞相祠湧金亭上漫題詩坐來幽鳥亦自適老  
去看山未是遲古洞丹青深歲月石田黃白幻雄雌江南  
往事隨流水無數蒼苔沒舊碑

謁東坡祠

顧璘



學士祠堂傍水碓蜀山蕭索向誰青歸魂省識毘陵道好事空傳楚頌亭萬古雲霄瞻氣象滿林風雨護精靈湖東月出光如許照見燕山相國銘

小水洞

陳鳳梧

初入谿訝小洞天飛巖突出半峯前潛通地脉長為雨側立陰崖暗吐泉陽羨膏田滋萬頃神龍白日躍重淵文襄德政曾昭格喜雨孤亭尚翼然

新脩岳武穆祠

杭淮

悵望秋風薦野蘋忠精祠宇肅瞻新寒煙白石荒山暮枯木南枝萬古春志决幽燕終報漢眼中頗牧已無秦金符

十二如兒戲豈料安危繫若人

夜集娛晚堂

娛晚有堂城之陰多情清夜許追尋霄漢早看聯珮玉風塵久已謝纓簪庭葉驚風山雨至春杯信手燭花深舉頭畫壁空諸老猶憶當時醉裏吟

龍池山上菴

龍池山頂插天高逶迤石磴緣秋毫青霄削壁千尋立僧屋如巢結構牢複棧空中愁度鳥長松脚底訝翻濤更欲高尋捨身石雲寒日暮猿哀號

張洞臺上

披拂煙霞坐石臺灑然寒氣逼人來地中玉柱撐空起仰  
面懸崖壓帽頰恍惚形骸人世外分明今古畫圖開更持  
列炬窮竒絕如入瓊林寶府迴

南嶽寺中

重遊南嶽喜春晴尊酒雲房聽鳥鳴人事天時豈相偶蒼  
松白石且投盟來參玉板知空相自煮龍團見野情扶醉  
躋攀更高絕天清遠巘白雲生

坐洗腸池

群山萬壑坐飛泉自落雲間不計年珠沫濺苔寒迸石玉  
潭承滴淨含天洗腸莫問當年事悟道須知此日緣徒倚

重巖成久賞山風吹鬢一惺然

飲玉女潭上

壑遠山迴景轉嘉潭隨玉女踏餘花巖藤嫋嫋懸千尺壁  
水沉沉淨點沙坐石有尊堪劇賞買山何地可移家東南  
選地亦應少立馬徘徊西日斜

次王守溪遊善權韻

邵天和

溪西洞隱碧雲巒我欲重遊恨不能清社白蓮千古意東  
山螭屐幾時登臺前樹暝歸黃鶴谷口泉香落紫藤功德  
未如三李厚品題真愧昔人曾

荆溪道中

文徵明

扁舟十里下荆溪落日滄涼草樹低絕巘凝暉知積雪晚  
風吹水欲流漸行逢曲渚常疑斷遙聽荒雞近却迷一片  
沙鷗明似雪背人飛過野塘西

泝練溪莊

陽羨西來溪水長晴雲縹渺練生光千年泝空陳迹一  
笑鳶魚付兩忘靜夜星河涵碧落有時煙雨聽滄浪老夫  
拈出元暉句聊為幽人賦草堂

遊善權

方鵬

肩輿冉冉欲凌空翠竹蒼松隔水東三洞直通溟渤外諸  
天疑在渺茫中獨憐地主來今雨更羨山僧抱古風明日

又從何處去雪泥踪跡笑飛鴻

張洞紀遊

吳仕

蒼玉粼粼麓紫虛古來聞是列仙居未知混沌於誰剖應  
信乾坤亦有初芝草琅玕春翁鬱金支翠羽影扶疎蓬壺  
豈在窳區外雲海悠悠亦誑予

遊善權

離墨西來氣鬱葱金堂突兀起雲中巉巖尚有風雷蹟刻  
畫誰知造化工人境鬼區元不遠碧天滄海宛相通何時  
更結長生侶謾向仙源一細窮

游龍池

肩輿深入萬山來寶扇瑤屏面面開高蓋拂殘鴉背日剛  
風吹散足跟雷雲匙飽薦林僧飯碧甕頻添野客杯池上  
神龍已飛去惟餘蒼蘚護荒臺

飲娛晚堂

落日繫馬高柳陰崇臺邃宇稱幽尋玉堂有客頻揮翰白  
髮何年此盍簪涼切苧袍秋氣肅露滋庭菊歲華深將軍  
香火今誰屬蟋蟀堦前空自吟

通澤河成志喜

百丈堤橫萬鍾齊恍看砥柱障前溪一帆新水天同遠十  
里青山路不迷桃李春城通晚市桑麻午巷聽啼雞計功

不在西河下

西河邑西後秦河前令秦侯所鑿

剩有穹碑待爾題

遊善權洞

張袞

雨後登山路渺茫煙蘿洞口碧雲長潺湲澗水千盤轉窈  
窕藤花滿徑香九斗絳壇何處是百年寶地使人傷披覽  
歷磴窮幽險喜有山僧共夕陽

新春遊善權泛舟早發

朱寔昌

西九波濤映遠虛星槎原是水中居天緣爲報明霞際春  
興能生碧草初獨數峯尖空外密同遊帆影望中踈登臨  
也欲拚二日鷗鳥無情亦啓予

送李孟博游陽羨兼柬沈克寅 蔣山卿

荆溪一別五年餘碧水蒼山憶舊居村舍迥連黃瀆渺湖  
船遙入洞庭虛東吳弟子求傳業北郭先生好著書沈約  
詞華吾所羨因君問訊比何如

張洞紀遊

杭瀛

哆天一竅身愁入瞰壁懸梯足不留百萬琅玕披地腹九  
堦冠笏擁螭頭鴻濛未覺乾坤判昏黑疑同鬼物遊坐久  
冷風起毛骨靈槎恍惚到神洲

大蘆寺

銅官秀落潼川滙堯率天開寶佛塲滿眼江山明紺碧憑  
高天地混玄黃廢興千載重新業壁上平生暫脫忙白首

勝遊纔一度淹留莫漫促斜陽

王子麟遷居章懋潭

杜甫長吟濯錦川陳搏高卧華山前老夫亦返滄江轍與  
子同全太僕天高履野雲蒼鹿畔釣槎春水白鷗邊掉頭  
天地蜉蝣侶一振褐衣千仞頭

松厓爲沈欽甫題

陽羨東來湖水西寄厓長松樓閣齊林深泉石虎豹遠景  
到日月風雲低丁公夢感良有以李白雲巢只漫栖燈火  
藏書三萬軸夜寒星斗拂璇題

東溪用陳白沙韻

溪上酌酒溪中歌溪山於我樂如何前村得意却迴艇風  
雨蓋頭元有簑萬物吾將等芻狗幾人力欲挽江河晚來  
一濯船頭水月出東山秋更多

隨意溪山欵乃歌逍遙天地那吾何看他人世日千徑長  
我好山春一簑醉白胸中幾雲夢老騫槎上小天河野花  
江月年年物輸與人間管領多

漢川紀遊得流字

王瑞

高蓋輕輿出郭遊虎跑巖畔坐春流初來竟擬終年住欲  
去還為半日留燁奕金芝迷石洞氤氳晴霧起龍湫何時  
絕頂酬心約高卧憑虛碧玉樓

游大潮寺

支筇絕頂天風號遙見洞庭煙浪高蒼龍年深骨蛻地老  
衲坐久身生毛幸予穿雲尚強健羨子出句渾雄豪茲行  
却喜正秋晚霜葉紅映詞臣袍

與胡祖貽話陽羨山水

陸時雍

久懷陽羨溪山好今日逢君話更真地隔太湖勞夢寐  
湖州與宜興  
正備湖水神遊罨畫出風塵百年坡老祠中意一竅張  
公洞裏春歸去便容吾借勝汲泉煮茗謝芳隣

詠王潭寄史玉陽

謝少南

玉潭幽邃晝生霞水檻逶迤澗壑斜丹竈九還僊子宅瓜

田五色故侯家天涯幾度王孫草洞口頻年鹿女花猿鶴  
從來飛動意却傷埃壒滯京華

游善權寺用韻

白悅

樹合鳶蘿懸峻壑石垂金壁覆空山浮杯白水蛟龍窟卓  
錫青雲虎豹間地逼星河危欲動境深香霧靜疑關乾坤  
此景應無二日日須乘鶴駕攀  
紅雲寶殿倚崔嵬徑轉丹梯複洞開法象豁舒寒錦嶂仙  
宮窈窕秘瑤臺泉通佛國黃金湧松遶禪林白鶴迴便擬  
傳燈叅上乘不須航筏問蓬萊

善權洞得埃字

王子卿

古洞瑯臺接上台西風瑟瑟淨無埃珠泉漱石笙簧奏翠  
壁連雲錦帳開落葉亂鳴猿嘯合浮霞高捲鶴飛來夜深  
江漢秋光靜玉露銀槎共酒杯

游玉女潭訪玉陽山人不遇

包節

九龍宮觀倚天開千里崆峒問道來玉洞雨深新滴乳碧  
巖春晚半封苔雲中不見吹笙客潭上空餘鍊藥臺始信  
嵇康非俗偶却憐王烈是仙才

菴畫溪

李文

漣漪十里風煙靜錦障繁英護碧沙翔鳥欲棲流底樹遊  
魚爭沫望中花瑤圖隱隱開人境冰繭層層見物華翻憶

輞川藏墨妙可能凌影快浮槎

玉女潭

昨日中泠洗雙目來看玉女清華居碧沉龍氣生香沫花  
結鸞驂墮紫虛冰魄自殊江上夢春顏誰伴鏡中梳鹿裘  
愧我臨潭照玉藻金魚想珮裾

冬日早出西溪抵芳莊

明發雙津起攬衣清霜篷底坐來晞孤城背水日東出一  
棹迷源山四圍宿莽正深泝練渚冰沙初解釣魚磯紆迴  
百里芳溪路幾處梅花破臘威

渴東坡祠

沈數

坡老祠前草樹榮曉山啼徹杜鵑聲半生冰蘖羈臣思千  
古風流學士名綠橘空懷湘水遠金蓮猶記玉堂清文光  
照耀乾坤遍遺像窮鄉尚典刑

登南嶽限韻

湯鄴

南嶽山頭雲氣騰十年着屐此重登漸看天地眼前別更  
覺風煙脚下增人在丹梯玄極秘鳥啼紅樹翠微層瑤臺  
瓊館崑崙近白日飛昇信亦能

泝練溪

長溪西來走白龍素練萬丈飄天風浮沉鷗鷺看竟日慘  
淡煙雲時蔽空夜月濯纓歌孺子晚涼歸棹醉漁翁主人



會得元暉意雪舫牙檣浮玉虹

雪舫

雪舫元暉意雪舫牙檣浮玉虹

雪舫元暉意雪舫牙檣浮玉虹

雪舫元暉意雪舫牙檣浮玉虹

雪舫元暉意雪舫牙檣浮玉虹

雪舫元暉意雪舫牙檣浮玉虹

雪舫元暉意雪舫牙檣浮玉虹

雪舫元暉意雪舫牙檣浮玉虹

雪舫元暉意雪舫牙檣浮玉虹

荆溪外紀卷之七

